


KOMMUNE QEERTALIK



TAPIISARNERMUT ILEQQOREQQUSAQ

Kalaallisut

2023

Imarisaa

§ 1. Siunertaq.....	2
§ 2. Inatsisit tunngavigineqartut	2
§ 3. Peqatigiiffimmut, Suleqatigiinnut (komite) Inuillu ataasiakkaat qinnuteqarnerini piumasaqaatit	2
§ 4. Taperneqarnissamut qinnuteqaatit piumasaqaatitai.....	3
§ 5. Tapiissutinik atuisimanermut uppernarsaatit.....	3
§ 6. Aningaasaliissutit killingi	3
§ 7. Timersornermik siunertallit tapiissuteqarfigineqartarneri	4
§ 8. Kulturikkut aqqissuussat tapiissuteqarfigineqartarneri.....	5
§ 9. Akuersisinnaatitaasut	5

§ 1. Siunertaq

- Kommune Qeqertalimmi najukkami peqatigiiffiit, suleqatigiit, komite, inuinnaat, timersornikkut kulturikkullu aaqqissuussat silamilu ingerlatsinerit tamaasa, angalanermut aningaasartuutinutaamma ininik attartornermut tapiissuteqarfiginerisigut tapersersornissaat.
- Kommune Qeqertalimmi najukkami kulturikkut aaqqissuussat tapersersussallugit.

§ 2. Inatsisit tunngavigineqartut

- Kulturikkut ingerlatsineq sunngiffimmilu sammisaqartitsineq pillugit Inatsisartut inatsisaat nr. 5, 6.juni 2016-imeersoq
- Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq
- Meeqqat inuusuttullu suliniaqatigiivinut init silamilu ingerlatsiviit pillugit NamminersorlutikOqartussat nalunaarutaat nr. 20, 27. September 1988-imeersoq

§ 3. Peqatigiiffimmut, Suleqatigiinnut (komite) Inuillu ataasiakkaat qinnuteqarnerini piumasaqaatit

Imm. 1. Piorsarsimassutsikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, 6. Juni 2016-meersumi allassimasut siunertat naapertorlugit Peqatigiiffiup anguniagassaasut allassimasut naammassissavai kiisalu Meeqqat inuusuttullu suliniaqatigiivinut init silamiluingerlatsiviit pillugit Namminersorlutik Oqartussat nalunaarutaat nr. 20, 27. September 1988-imeersoq naapertorlugu anguniagassaasut allassimasut peqatigiiffiup naammassisimassavai.

Imm. 2. Pilersitsinertalimmik ataatsimeersuartitsisoqareersimassaaq.

Imm. 3. Peqatigiiffiup Suleqatigiillu- Komite ileqqoreqqusaani aalajangersakkat naapertorlugit ataatsimeersuortoqassaaq.

Imm. 4. Ileqqoreqqusaq naapertorlugu siulersuisuni ilaasortassanik qinersinerit ingerlanneqassapput.

Imm. 5. Peqatigiiffik, suleqatigiit - Komite qinnuteqartorlu kinaluunniit Kommune Qeqertalimminajugaqassaaq.

Imm. 6. Ukiut tamaasa 30. April nallertinnagu naatsorsuutit kommunimut tunniunneqartassapputnajukkami sunngiffimmi pisortamut imaluunniit sunngiffimmi aqutsisumut.

Imm. 7. Ilaasortat amerlassusaat, ilaasortaanermut akiliutissaq, pigisat aningaasallu uninngasuutit naatsorsuutini allassimassapput. Uani Suleqatigiit - komite inuinnaallu qinnuteqarsimasut pineqanngillat.

Imm. 8. Ataatsimeersuarnermi kukkunersiuisussatut toqqarneqartumit naatsorsuutitkukkunersiorneqassapput.

Imm. 9. Ukiup tullissaanut sammisassanut pilersaarut najukkami sunngiffimmi pisortamut /sunngiffimmi aqutsisumut kingusinnerpaamik sapinngisamik 31.1. nassiunneqarsimassaaq.

Imm. 10. Angalanernut tapiissuteqartarneq, namminerisamik umiatsiamik ingerlanneqarpata, umiatsiaq pisariaqartitanik isumannaallisaatinik peqarpat aatsaat angalanernut tapiissutit tunniunneqassapput, soorlu makkusuunik, VHF radio, GPS, annanniutit atisartakkat ilaasunut tamanut aamma umiatsiaq/pullattagaq aquuterlalalik.

§ 4. Taperneqarnissamut qinnuteqaatit piumasaqaatitai

Qinnuteqarnermi "Kommune Qeqertalimmit tapiiffigineqarnissamut qinnuteqaat" immersorneqassaaq.

Imm. 1. Qinnuteqarnermi siunertaq qinnuteqaatigineqartoq pillugu paasissutissanik aamma aningaasat tapiissutigineqartussatut qinnutigineqartut amerlassusiinik imaqartinneqassaaq.

Imm. 2. Peqataasut aqqi ulloq inunngorfik ilanngullugit qinnuteqaammut ilanngussatut ilaatinneqassapput. Erinarsornermik nipilersornermillu suliaqartunut una piumasaqaat atuutinngilaq.

Imm. 3. Peqatigiiffiit peqatigiiffinnik allanik suleqateqarlutik angalatitsinissatik eqaatsumik pilersaarusiornissaannut piviusunngortissinnaanissaannullu tapiisarnermut ileqqoreqqusamitperiarfissinneqarput.

Imm. 4. Suliamik suliarinninnissaq eqqarsaatigalugu tapiissutit tunniunneqarsinnaanerit ullunik 30-niksioqqullugu najukkami sunngiffimmut pisortamut qinnuteqaat nassiunneqassaaq. Qinnuteqarnissamut piffissaliussaq malinneqanngippat peqatigiiffiit, ataatsimiititaliat, inuinnaallu qinnuteqaamminik itigartinneqarsinnaapput.

§ 5. Tapiissutinik atuisimanermit uppersaait

Imm. 1. Kommune Qeqertalimmut naatsorsuutit tunniunneqareersimassapput, sammisaqartitsinerup kingorna kingusinnerpaamik qaammat ataaseq qaangiutsinnagu, akiliutinut uppersaait ilanngullugit. Ulluliussaq qaangerlugu naatsorsuutiniktunniussisoqarsimangippat qinnuteqaqqinnermi itingartitsinermik kinguneqassaaq. Peqquteqavillunili ulluliussaq qaangerlugu tunniussisoqarsinnaanera akuerisassanngorlugu qinnutigineqarsinnaavoq.

Imm. 2. Tapiiffigineqarnissamut qinnuteqaammi anguniakkatut allassimasut naapertorlugit tapiissutittamarmiusut imaluunniit ilaannakortumik atorneqarsimassanngikkunik tapiissutit atunngitsuukkat Kommune Qeqertalimmut utertinneqassapput.

Imm. 3. Atunngitsuukkat utertinneqanngippata nutaamik qinnuteqaasiormermit itigartitsisoqassaaq, atunngitsuukkat peqatigiiffimmiit, ataatsimiititalianii, inuinnarniillu Kommune Qeqertalimmut utertitsinissap tungaanut.

§ 6. Aningaasaliissutit killingi

Imm. 1. Kommunalbestyrelsip missingersuutit suliarineqarnerini ukiumoortumik aningaasat tapiissutissat amerlassusaat aalajangersortassavai.

Imm. 2. Kommunimi inoqarfinni sisamaasuni inuit najugallit amerlassusaat malillugit tapiissutit amerlassusilersorneqartassapput aamma agguarneqartassapput.

Imm. 3. Peqatigiiffiup suleqatigiiffiulluunniit (Komite) aallartisarneranut 1.000 kr. tungaanut tapiissuteqartoqarsinnaavoq.

Imm. 4. Peqatigiiffik pisortatigoortumik nuna tamakkerlugu unammersuarnermik aqqissuisoq 40.000 kr. tikillugit tapiiffigineqarsinnaavoq, taakku ullormusiaqartitsinermit imaluunniit inunnut ajunngitsorsiasatut atorneqaqqusaanngillat. Holdit ataatsimik amerlanerusunik peqataatitaqassagunik - arnat angutillu taava kr. tungaanut tapiisoqarsinnaavoq.

Imm. 5. Aqqissuussat pereersut tapiissuteqarfigineqarsinnaanngillat.

Imm. 6. Peqatigiiffiit Kommune Qeqertalimmut akiitsoqartut akiitsut akilersornissaannik, allaganngorlugu isumaqatigiissuteqareerunik aatsaat tapiissuteqarfigineqarsinnaapput.

§ 7. Timersornermik siunertallit tapiissuteqarfigineqartarneri

Imm. 1. angalanermut aningaasartuutitut imaluunniit peqataanermi akiliummut tapiissuteqartoqarsinnaavoq, peqataanermut akiliutip angalanermut aningaasartuutit holdinut peqataasulinnut ataatsinut matussuserneqarpata:

- *Inersimasunut annerpaamik 60%-mik angalanermut imaluunniit peqataanermut akiliummut aningaasartuutitut tapiisoqarsinnaavoq, Kattuffiit pisortatigoortumik aaqqissugaanut akuerisaanilu pissartanngorniunnissamat anngunniunnernut aamma ajugaanniutivinnernut.*
- *Inoqarfiit 1500 inorlugit inulinni kattuffiit aaqqissortagaannut peqataanermut tunngatillugu angalanernut peqataanermut akiliummut annerpaamik 80% angullugit tapiisoqarsinnaassasoq.*
- *Meeqqanut inuusuttunullu 18 inorlugit ukiulinnut angalanermut imaluunniit peqataanermut akiliummut aningaasartuutitut annerpaamik 90%-mik tapiisoqarsinnaavoq, kattuffiit aaqqissugaanut akuerisaanilu pissartanngorniunnissamat anngunniunnernullu, matumani Kalaallit Arsaattartut Kattuffiata (KAK) ilaasortaminut meeqqanut Cup-imik unammiaaartitsineri ilanngullugit.*
- *Pisortatigoortuunngitsumik GM-imi anngunnermi Old Boys aamma Old Girls (utoqqasaat) peqataanerini angalanerini imaluunniit peqataanermi akiliutini aningaasartuutitut annerpaamik 50%-mik tapiisoqarsinnaavoq*
- *Utoqqaat timersoqatigiiffiinut iligiit ataatsit unammersuariarnerannut annerpaamik 60% angalanermut imaluunniit peqataanermut akiliummut aningaasartuutitut tapiisoqarsinnaavoq. Inoqarfinnilu 1.500 inorlugillu inulinni aningaasaliisinnaaneq annerpaamik 80% angullugu tapiisoqarsinnaassaaq*
- *Nunani avannarlerni Europamilu meeqqanut inuusuttuaqqanullu 18-it inorlugit ukiulinnut ukiumut angalaneq ataaseq timersoqatigiiffimmuut ataatsimut unammisaqattaartoqarnerani angalanermut 40% angullugu tapiisoqarsinnaavoq. Unammisaqattaarneq paasineqassaaq ullut arlariit unammisaqattaarneq, tamatumani holdinut arlariinnut unammisoqassalluni. Nunanut allanut angalalluni sungiusariarnernut tapiissuteqartoqarneq ajorpoq.*
- *Peqataasut Kommune Qeqertalimmi najugaqassapput. Tamanna piumasaqqaat timersortartunut 18-it inorlugit ukiulinnut ilinniagaqarnertik tunngavigalugu Kommune Qeqertaliup avataani najugaqarallartunut atuutinngilaq.*

Imm. 2. Kommune Qeqertalimmi pissartanngorniunnermi holdi ataaseq annerpaamik Kommune Qeqertalimmi pissartanngorniunnermi holdi ataaseq annerpaamik 50%-mik angalanermut imaluunniit peqataanermut akiliummut taperneqarsinnaavoq.

Imm. 3. Meeqqat inuusuttullu 17-it tikillugit ukiullit illup iluani silamilu sammisaqartinneqarnerini attartornermut, ukiumoortumik fodboldskolimut aamma handboldskolimut ilinniartitsinernilu atortunut, aningaasartuutit tamarmiusut 100%- mik matussuserneqartassapput.

Imm. 3.1. Utoqqaat innarluutillillu suliuunnaarnersiutillillu timersortarfimmik atuineranni aningaasartuutit 100%-mik matussuserneqartassapput.

Imm. 4. Kommunip timersortarfiutaani illup iluani silamilu inuusuttut 18-it sinnerlugit ukiullit timersornermik anguniagallit, sammisaqartinneqarnerini atortunik attartornermut aningaasartuutit ukiumoortumik akuerineqartut malillugit "Kommunimi Akigititat" atorlugit matussuserneqartassapput.

Imm. 5. Nammineq pigisumi Aasianni inuusuttut 18-it sinnerlugit ukiullit timersornermik anguniagallit, timersortarfinni illup iluani silamilu sammisaqartinneqarnerini atortunik attartornermut aningaasartuutit 90 %-ii matussuserneqartassapput.

Imm. 6. Ukioq timersorfusoq tamakkerlugu meeqqanut inuusuttuaqqanullu 17-it tikillugit ukiulinnutsungiusaanermik ingerlatsiniartilluni inatsit naapertorlugu meeqqanut pinerliisimanginnermi uppernarsaammik, pinerliisimanginnermillu uppernarsaammik pissarsinissamat pisussaaffiliivoq, sungiusaasumut ataatsimut 5.000 kr. tikillugu tapiissutitut tunniunneqarsinnaapput. Ukioq timersorfusoq septemberimiit maj/junimut sungiusaasutut ingerlatsisimanermut uppernarsaat, tapiissuteqarfigineqarnissamik qinnuteqaammut ilanngullugu peqatigiiffimmiit nassiunneqassaaq.

Imm. 7. Nunanut allanut unammiaartorluni peqataanerini, Kommune Qeqertalimmi najugaqartumut nunatamakkerlugu holdikkaarluni unamminerini peqataasumut ataatsimut kaasarfimmiusnaanik ataasiartumik 1.000 kr. tapiissutigineqarsinnaavoq.

Imm. 8. "Ukiup Timersullammaatut nersornaasiineq" annerpaamik 5.000 kr. aningaasartarissavaa, timersornerullu iluani nersornaasiinernut allanut, inummut ataatsimut inoqarfinnilu tamani nersornaasiinerit annerpaamik 3.000 kr. aningaasartaqartassapput. "Ukiup Timersullammaatut" allatigullutimersornerup tungaatigut nersornaaserneqartut toqqarneqassapput komitemit (ataatsimiititaliaq) makkunannga inuttaqartinneqartumit, sunngiffimmi susassaqartitsiniarnermi pisortaq, illoqarfinni nunaqarfinnilu tamani timersoqatigiiffinnit sinniisut. "Timersornerup ullua" ukiup nutaap aallartisimalaarnerani ingerlanneqartarpoq.

Imm. 9. Inuup peqqinnerunissaanut tunngassuteqartunut aaqjissuussinernut soorlu: Aasiaat Midnight SunMarathon-mut Kulunnguaq Run-mut 15.000 kr. tikillugu ingerlatsinermut aningaasartuutigiumaagassanut tapiissuteqartoqarsinnaavoq.

§ 8. Kulturikkut aaqjissuussat tapiissuteqarfigneqartarneri

Imm. 1. Kommune Qeqertalimmi najukkani peqatigiiffiit, suleqatigiit, komite inuinnaallu § 3-mi piumasaqaatinnik naammassinnittut aningaasartuutaannut 50%-mik makkunannga aaqjissuussinernuttapiissuteqarsinnaavoq makkunannga aaqjissuussinernut:

1. Innuttaasunik paasisitsiniaaneq, soorlu assersuutigalugu kulturi timersornerlu pillugitpaasitsiniaanerit
2. Piorsarsimassutsip (kulturip) ineriartortinneqarneranik sulinarneq aamma saqqummersitsinerit
3. Najukkami peqatigiiffiit ataatsimoorussamik siunertallit
4. Isiginnaartitsinerit, erinarsornerit aamma nipilersornerit
5. Filmertitsinerit aamma videortitsinerit

Imm. 2. Angalanerit aningaasartuutaasa affai tapiissuteqarfigneqarsinnaapput - taamaattoq Kommune Qeqertalimmi nipilersortartut erinarsortartullu Kommune Qeqertaliup avataani kulturip ineriartortinneqarneranik suliaqarnermik ilaqassappata amerlanerpaamik 15.000 kr. angullugit siumut utimullu angalanissamut tapiisoqarsinnaalluni.

Imm. 3. "Kulturikkut nersornaammik" Inuiattut ullorsiornermi ulloq 21.6 tunniunneqartartussami nersonaat annerpaamik 3.000 kr. aningaasartaqartassaaq illoqarfinni nunaqarfinnilu tamani (immikkuttamarmik). "Ukiumi Kulturikkut nersornaammik" nersornaaserneqartut toqqarneqassapput

ataatsimiititaliamit makkunannga inuttaqartinneqartumit, sunngiffimmi susassaqartitsiniarnermi pisortaq, illoqarfinni nunaqarfinnilu tamani kulturikkut peqatigiiffinnit tamanit sinniisunit

Imm. 4. Angalanernut aningaasartuutitut annerpaamik 40% angullugit Qimussimik Kalaallit Nunaanni pissartangorniunnernut, tapiissutigineqarsinnaapput.

Imm. 5. Nipilersornikkut aaqjissuussat annertuut ingerlanneqarnissaannut 75.000 kr. tikillugu tapiissuteqartoqartassaaq.

§ 9. Akuersisinnaatitaasut

Imm. 1. Qinnuteqaammi aningaasat assigiinngitsunik annertussuseqartut kommunimut aningaasaliissutigineqarsimasut iluini najukkami Timi Tamimi sunngiffimmi pisortamut illoqarfimmi lu aqutsisumut kiisalu inoqarfimmi aqutsisooqatigiittuni aalajangigassanngortillugit ingerlanneqartassapput.

Imm. 2. Sunngiffimmi pisortap aqutsisulluunniit pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersumi kapital 2-imi allassimasut malittussaavai.

Imm. 3. Qulaani aalajangersakkat Kommune Qeqertalimmi kommunalbestyrelsimut naammagittaalliutigineqarsinnaapput.

Ataatsimiititaliami Timi Tarnimiit akuerineqarpoq ulloq 06.10.2023

Mariane S. Larsen

Siulittaasoq, Ataatsimiititaliaq Timi Tarni

Ane Hansen

Borgmester, Kommune Qeqertalik

